

近代中國史料叢刊第六十一輯
沈雲龍主編

毛尚書（鴻賓）奏稿

毛承霖編

文海出版社有限公司印行

毛尚書奏稿

昆明蕭應楨署卷

子道書卷

子道書卷

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



宣統元年五月十一日開

盤二卷甫成十二日裝成

國史列傳

毛鴻賓山東歷城人道光十八年進士改翰林院庶吉士二十年散館授編修二十三年充順天鄉試同考官二十七年充會試同考官

大考二等

賜文綺尋轉江南道監察御史二十九年二月升禮科給事中四月疏請嚴禁各省流攤名目畧曰近來外省虧空多案其弊莫甚於流攤流攤者擅挪正款假託因公分任分年以次攤賠者也如修理工程承辦差使之類率稱例價不敷獨力難辦每詳請

府州立案豫爲分攤地步交卸之日又商同監盤說合私立議單有浮開數倍以爲攤者有並無墊項捏造款目以爲攤者有虧空太多恐干重咎提出數條歸入交盤以爲攤者彼接任人員或懾於上官之抑勒礙於同事之調停遂亦甘心接受應攤之款未能交出分毫續至之虧又復踵而增益爲大吏者初意其人官聲尙好曲示矜全或爲其賠累有因亟思調劑而不肖者轉援爲口實展轉效尤遂致不可收拾斯時欲懲治則罹法者衆欲消弭則受病已深不得已姑以有故去任之員一

參塞責而億萬帑金胥歸無著臣以爲流攤一日
不除虧空一日不止應請

敕下各省督撫認真查覈務將流攤名目永遠禁革以重
帑項而杜弊源疏入下部議行又疏言綱紀之存
必賴乎憲典自古未有憲典不明刑威不振尙可
以立國者而當軍興之時爲尤甚查賊匪肆逆始
尙竄擾偏隅繼遂深入腹地今則紛擾已半天下
皇上特簡重臣籌辦防勦備餉不爲不厚調兵不爲不多

乃

欽差大臣擁兵縱寇觀望周章而封疆大吏又毫無先期

之布置

自上年

門延敵

深知

皇上之仁慈卽

解刑部

飲食寢

猶冀不

之膜外

朝廷之寬

不平而患紀綱之不振伏望卽降

嚴旨擇其退避之尤者迅於該處明正典刑則官吏將士
曉然知法與其死於刑而貽子孫之辱曷若死於
賊而邀褒卹之榮書曰威克厥愛允濟正今日之
謂也八月轉掌兵科給事中巡視西城南城稽查
豐益倉內倉尋丁母憂咸豐二年服闋補掌禮科
給事中時粵匪竄入湖南鴻賓疏請嚴賞罰綱紀
律簡軍實絕奸細馭壯勇解脅從又以賊犯長沙
欽差大臣賽尚阿駐衡州在賊之南北路空虛請
諭令兩廣總督徐廣縉繞至北路攻勦並

簡派重臣坐鎮武昌襄陽一帶亦以大員駐守訓練精兵
嚴密防堵以固北面藩籬疏入

上躋之三年以戶部尙書孫瑞珍保奏

敕令暫行回籍辦理團練四年髮逆竄山東時勝保爲

欽差大臣玩寇糜帑鴻賓疏劾其十二罪請

嚴旨查辦五年以辦團出力

命記名以道員簡放尋授湖北荆宜施道六年調安襄鄖

荆道九年以辦理軍務調度合宜

賞戴花翎十年五月擢安徽按察使六月

特命迅赴安徽上游行營總理營務九月擢江蘇布政使

十一年二月署湖南巡撫七月疏言湖南地居偏
遠向非富強粵逆石達開率數十萬之衆窺伺湖
湘然猶外攘內安屹然爲上游重鎮所以能若此
者皆由前撫臣張亮基虛己求賢倡募湘勇駱秉
章繼之推誠接物任人不疑於是今太常寺卿左
宗棠先後入幕襄助血誠自矢思慮精專相與維
持於不敝用能削平寇盜重整規模則用人之效
有明徵矣伏思長江大勢以兩湖爲上游江西爲
關鍵必三省通力合作庶幾聲勢相聯足以制賊
之命各路餉源亦不至竟成匱竭由是南趨吳會

東下浙江師行無後顧之虞賊氛可迎刃而解今
江西徧地糜爛商賈不行湖南東路在在毘連不
但釐金因之大絀而到處防守糜費不貲儻江省
一日不安湖南卽有不支之勢決裂愈甚收拾愈
難及今圖之尙未爲晚此緩急之機宜審者也前
奉

詔旨令直省督撫臣保舉將才臣以爲得名將不過收戰
陣之功得賢督撫斯能造封疆之福如左宗棠精
能忠實識畧過人其才力不在曾國藩胡林翼之
下斷非臣所能企及今但使之帶勇殊不足以盡

其才儻畀以封疆重任必能保境安民兼顧大局
又前任雲貴總督張亮基恢闊通達果決有爲雲
南壤接邊陲漢回雜處餉糈不給讎讐相尋卽令
經營盡善亦僅有益於一隅似不若任以要地俾
展所長但使東南日有轉機則雲貴游氛無難迅
掃此輕重之機宜審者也疏入

上嘉納之尋實授湖南巡撫十一月疏陳招勇流弊大畧
謂軍興以來東南數省因制兵不盡足恃不得不
更議招募湖南首倡義旅各省踵而行之紛紛委
員前來招募臣查湖南自安徽撫臣江忠源辦理

團練勦平雷再浩股匪後粵西賊起率以從征始有楚勇之名今兩江督臣曾國藩在籍奉

旨幫辦團防日以忠義氣節激勸鄉人其時募勇章程首以擇將爲主有將領而後有營官有營官而後有百長有百長而後有什長有什長而後有散勇逐加遴選遞相鈐制凡勇夫皆取具的保籍貫戶鄰逐一註冊按籍可稽在營則營官得而治之回籍則地方官得而治之是以無事能恪守營規有事能凜遵軍令非貿貿然呼聚數百千人遂可驅之以策戰陣之功也賊匪蔓延數省擾攘十年游手

亡命之徒所在皆有殺人放火視爲故常投身入營則恃勢橫行莫敢誰何一人倡首衆人從而效尤一營壞規衆營俱難整飭匪獨虞目前之潰決更恐滋異日之隱憂從前三省教匪之役勘定後重煩兵力近時蘇州之失潮勇爲賊前驅是其明驗近江蘇派員回楚募勇萬二千人不問來歷不看技藝不取保結苟圖充數不顧其他當此軍餉萬難以有用之錢養無事之官與不戰之勇豈不可惜此等烏合之衆不能殺賊徒以擾民又河南派已革副將周鳳山回楚募勇三千人途中包攬

客貨不服盤查勇尚未募而凶橫滋擾卽已如此
若使成軍以出其騷擾當復何如湖南兵勇援勦
鄂皖江浙兩粵黔蜀及留防本省合計數十萬人
以一省之才應天下之需勢必有所不給仰懇

飭下直省督撫及各路統兵大員認真選將就地取材務
在募一勇卽得一勇之力不可驚虛名而沾實禍
疏入

上獎其切中事情寄諭各督撫統兵大員行之十二月逆
酋石達開竄湖北犯會同鴻賓遣知府席寶田副
將周達武等擊破之會同圍解石逆復由閒道撲

黔陽鴻賓復檄總兵趙福元等馳援解其圍並攻山門堅壘拔之賊懼宵遁援兵糧械均由湖南解撥得

旨獎其調度悉合機宜且能顧全大局毫無畛域之見同治元年二月石逆率悍黨竄湖北陷來鳳趙福元等督軍由白楊坡進攻復其城初鴻賓疏請將歷撥協餉並軍需借用銀兩作正開銷下部議奏至是議上謂各省歷撥銀款奏明不准擅動湖南捐監漕折等項節經該撫奏留四川等省撥餉已屬有盈無絀另有本省防堵勇糧及所收釐金何得

再將撥冊銀兩作正開銷况援江需用至八年八月截止勦捕石逆又在九年何以預借隔年新收之款

上以鴻賓語多矛盾下部議處七月疏言軍興以來招募勇丁不下數萬其志切同仇殺賊立功者固不乏人亦有曾充匪類爲鄉黨所不齒一經報效漸保官階恃有護符告假回家儼然以職官自命不受地方官約束甚至復萌故態地方官無可稽考各團紳雖有聞見亦且畏勢而不敢言黨與旣多擾害鄉里急宜嚴行稽查以杜亂萌

諭曰嗣後勇丁無論保至何項官階凡回籍者均給與執照將事由限期開載明白一面行文各地方官以備查覈如有倚勢作威藐法橫行情事卽與齊民一體查辦毋得稍事優容其有私行回籍者旣無執照又無各營咨會卽照逃勇例從重懲治時署禮部左侍郎薛煥疏請直隸添設四鎮每鎮練兵一萬並將神機營兵丁酌添二萬亦分四處教練此項餉需責成十八省督撫通力合籌

上命各省疆吏籌議鴻賓疏言用兵之道選將爲先統率萬人非智勇兼全不足以資控馭且勇丁來自田

問軍律未嫻野性難制人少則精神尙易貫注人多則照料未易周詳苟約束失宜卽事端從此而紛起今不先議選將而侈言增兵此管帶之難也欲集四萬之衆於一時勢不能不廣收博採美惡雜糅賢愚錯處齟齬不合爭鬪相尋圖始旣費周章收效亦難豫必此招募之難也直隸旗綠營兵往時皆號雄師果能就原額兵丁加以整頓豈不能挽回積習今議於營兵之外另設四鎮必直隸有賊可勦乃可責其成功當夫全境無事萃此易聚難散之徒於不戰之地結黨成羣滋爲騷擾此

約束之難也臣所身歷如湖南北尚稱完善而湖南各營欠餉六月有餘湖北欠餉至二百餘萬之多四萬新兵歲需餉銀約二百四十餘萬是京餉之外平添二百數十萬之多額內無從再籌額外不敢另取無米之炊終成束手此餉糈之難也臣以爲目前之計當求有備無患於直隸督臣劉長佑新募之勇畧增其數旁求將才訓練綠旗營兵卽足以資捍禦若更議立四鎮而額設兵丁轉得卸其操防之責營務益形廢弛新勇難保不從而效尤此又流弊所極不可不籌慮及之者也煥議

遂寢尋疏劾貴州提督署巡撫田興恕捏報軍情
信用劣員各款

上命四川總督駱秉章查辦得實褫興恕職逮問閏八月
鴻賓派兵越境勦貴州逆匪復天柱縣城

優詔褒勉尋奏言湖南桂陽州峯洞坳等處出產磺砂前
撫臣陸費瑑奏明開採存局備用嗣後存磺充裕
復奏明封禁近年湖南辦理防勦並鄰省領買在
在需磺省局存磺漸少查磺勦爲軍火要需桂陽
州已見肅清自應令領買官磺以免影射請於產
磺各山場陸續開採官爲收買解交省局以備支

用惟磺勛關係綦重當責成該州實心經理並令
衡永道就近稽查毋許偷漏滋弊一俟存磺充裕
仍當奏明封禁報

聞先是已革江藍廳同知椿齡指稱團紳汪際唐爲土匪
稟請懲辦經署巡撫翟誥派同知楊鼎勳等查無
確據旣鴻賓訪聞椿齡有酷刑徧借情事並於署
巴陵任內聲名狼籍奏請革職椿齡遂控楊鼎勳
等招搖陷害並牽涉鴻賓鴻賓奏請

簡派大員赴湖南查辦以期覈實

諭曰參員訐告上司例應立案不行惟所控之楊鼎勳等

卽係查辦汪際唐一案之員是否實有錯謬抑係借
端反噬著官文嚴樹森秉公嚴訊務得確情以成信
讞官文等旋覆奏事得白九月廣西賊酋張高友踞
修仁縣城鴻賓派兵攻拔之時貴州張家寨股匪
恃險抗拒鴻賓調知府楊逢新等往勦賊目蕭文
魁率衆降遂進攻大小青兩壘克之思州銅仁股
匪悉平時山東幅教各匪猖獗

上憂之諭鴻賓遴員募勇赴援鴻賓奏保長沙府知府丁
寶楨誠樸安詳勇於任事久歷行閒能撫士卒擬
令其揀調文武將弁赴東

上卽用寶楨爲山東按察使卒收平賊之功二年五月升
兩廣總督奏請於瀕海之區添設礮船稽漏稅緝
賊盜十一月奏言廣東劫盜重案日常數起而弋
獲甚少其申報獲犯者往往聲明帶病旋卽報故
總由地方官捕務久弛規避處分轉致凶惡之犯
倖逃顯戮急應量子變通以除積習

諭曰嗣後除廣州府及佛岡直隸同知拏獲匪逆盜犯仍
行解省外其距省較遠之各府廳州縣所獲罪應斬
梟各犯由州縣審實後卽解送該管道府覆勘錄供
具詳該督撫覈明情節確實案無遁飾卽就地正法

一俟軍務完竣盜匪斂迹再行照章辦理三年二月
英德縣逆匪鄧二尺七等糾眾肆擾鴻賓派按察
使張運蘭督軍勦破之鄧二尺七等就擒伏誅五
月偕巡撫郭嵩燾疏請變通緝捕章程其有舉發
巨案拏獲著名大盜者應量予優擢適給事中王
憲成奏請拏獲劫盜分首從科罪鴻賓言盜賊糾
眾行劫同惡相濟卽悉照不分首從問擬地方官
猶狃於積習意存開脫憲成所請多窒礙請

敕部另議

從之又因廣東多盜奏請打單在三人以上及攜帶刀械

火槍之犯均以盜論其擄人勒贖但係盜犯皆應
斬梟至設計誘騙內地人口畧賣外洋者皆斬

下部議行是時江南省城已復惟浙江湖州及江西餘氛
未靖鴻賓疏言江西一省迤東迤北迤西皆無可
虞獨南路之防猶有未備閩粵交界之處均無防
兵福建山川阻深地瘠民貧賊屢次入閩未嘗久
駐故以大勢論之湖州各城以次克復賊必悉衆
上竄以粵東爲尾閭之洩欲制此賊必以控制贛
南爲第一義查從前賊之初起本在廣西永安官
兵圍攻獨開北面使竄桂林其後踞道州又開東

北一路使竄長沙至長沙復開西路使竄岳州今
若復使竄粵爲患何可勝言江西當四衝之地川
原平行據守則不足圍勦則有餘合數省之兵力
乘大捷之餘威不於此時聚而殲旃尙復何待見
已咨曾國藩等調撥勁旅繞越甯郡石城一帶扼
賊南竄之路臣亦派一軍於閩粵交界之處會同
大軍進勦並請

敕下曾國藩等兼守南贛俾無竄越庶可一鼓盪平

上慰其言九月以率屬捐廉助餉下部優敘尋鴻賓偕郭
嵩燾請將所得優敘移獎子弟

上切責之命發還銀兩撤銷議敘仍交部議處尋議降三級調用

上改爲留任十二月髮逆戴梓潰擾高要東安高明鶴山一帶鴻賓飭總兵卓興督軍進勦擒之四年二月飭遊擊何雲章援勦福建雲霄廳踞賊復大敗之先是御史賈鐸奏參湖南巡撫惲世臨倚任道員胡鏞等款並及鴻賓

上命大理寺卿胡家玉給事中張晉祺查辦至是查明覆奏鴻賓坐湖南巡撫任內失察並於胡鏞請咨赴

部引

見時鴻賓令繳回原籍咨文委署道缺

上以其辦理舛謬下部議降一級調用七年卒宣統元年

六月山東巡撫袁樹勛奏陳鴻賓功績且言鴻賓
回籍後適值捻匪犯濟南撫藩皆出省防堵鴻賓
身任守城登陴固禦有功鄉里請開復原官宣付
史館立傳二年山東巡撫孫寶琦奏請入祀鄉賢
祠皆

允之子慶澄廕生候選道承霖舉人候選道

山東巡撫臣袁樹勛跪 宣統元年六月初五日

奏爲已故大員勛勞卓著事蹟可傳據情籲懇

天恩開復原官並

宣付史館立傳以彰忠藎恭摺仰祈

聖鑒事竊臣接據山東在籍紳士前任戶部左侍郎吳

樹梅等呈稱已故降調兩廣總督毛鴻賓係山東

歷城縣人由道光辛卯科舉人戊戌科進士翰林

院編修改官御史外放道員洊升督撫敷歷中外

垂三十年後在兩廣總督任內因前任湖南巡撫

時失察藩司惲世臨委胡崧勞銘勛署理縣缺與

例未符部議降一級調用不准抵銷遂罷官回籍
值捻匪之亂復以鄉紳辦團禦賊積勞成疾以同
治七年歿於家綜論其一生行誼直已無愧純臣
以視原任雲貴總督張亮基原任河南巡撫李鶴
年猶或過之樹梅等生同里閉見聞較確今謹陳
其畧查已故總督毛鴻賓館選之年適與原任大
學士曾國藩同列以學問相切劘至爲莫逆其後
傳補御史以敢言稱粵逆初起督兵者強半債事
該故督洞悉全局抗疏論之侃侃數千言動中肯
綮疏稿流傳一時爭誦咸豐三年春受